

日存日月存月斗口相對斗星相對

右取赤舍咒書符存身為

玉皇紫微侍側書訖拍實弄念七徧勅符  
當兩乳用二印當領用一印象三台背後  
左起印七印象斗星宮花字上

神仙辟穀服栢葉方

全毛狗脊去毛 白朮 天麻 荆芥  
蒼朮 洗淨 茯苓各等分

右件栢羅為末用井花水為丸彈子大如服  
時用一九黑豆一升用水三升三合將豆并  
藥一處煮令水乾為度服時將豆一撮栢葉  
同入口嚼下如喫盡藥豆則單喫栢葉也服  
之一年身上生毛長一寸服二年身上毛退  
服三年不飢不渴不寒不熱日行五百里水  
上自浮長生不死也服時忌食漆葉草麻葉

胡桃葉

靈寶淨明院真師密語

太上靈寶淨明法序

淨明法者乃上清玄都玉京之隱書昔太陽  
真君孝道明王以孝道著明照臨下土成无  
上道於是上清上帝降於扶桑洞神之堂召  
明王而說法證之以為最上弟子號靈寶大  
真人玉清詔命使以救度于時故真人發大  
誓願願居東極用救羣品是謂靈寶救苦天  
尊乃赤明元年八月十五日也謂之淨明淨  
明者无幽不燭纖塵不存愚智皆仰之為開  
度之門昇真之路以孝悌為之準式修鍊為  
之方術行持之秘要積累相資磨礪智慧而  
後道炁堅完神人伏役一瞬息間可達玄理  
余昔慕道風徧求師旨心存目識志切意堅  
自受法具君後學謀姆功行已就復遇上聖  
傳以此書其術乃成至於蒙恩超舉神妙之  
跡不可具言得吾書者慎无自棄皆十世積  
累將有飛昇之漸吾嘗著其未淺作道經三  
十五篇行于人世得者猶鮮况此樞機皆上  
聖秘錄行之詎可忽乎謹序

太上靈寶淨明法印式



凡得淨明法者雕印二顆各二寸四分一日  
太上淨明之印一曰淨明法主之印淨明之  
印奉讀即用之法主之印即遺中召鬼神等  
用之又有職稱者印雕職印  
太上靈寶淨明法印式